

შედეგები

სურათებიანი დამატება

დამატების № 1.

კვირა, 2 აპრილი, 1906 წ.

ზაფხულის № 1.

ახალი ნანა

ივენანა, ვარლო ნანა,
ივენანინაო,
კარგად ვიცი, ჩემო კარგო,
ვინც შეგაშინაო!

გულ-ქვა მტრების მათრახებმა
ჩვენ დაგვაფრთხინაო,
ტყეში თოვლზე გირწევ აკვანს,
ივენანინაო!

ივენანა, ვარლო ნანა,
ივენანინაო,
რა გაუპოო, ჩემო მტრედო,
ძუძუ დამიდნაო!

რაღაც გვებადა, მათ წაიღეს,
ავგიკლეს ბინაო,
უსახლკაროდ დავრჩით, შვილო,
ივენანინაო!

ივენანა, ვარლო ნანა,
ივენანინაო,
მაშა შენსა მათრახებმა
სისხლი აღინაო!

თოკით შეჭკრეს და შებოქეს,
ივენანინაო,
ჯაშუშს ვერსად დავეშალა,
ბევრიც ირბინაო!

ივენანა, ვარლო ნანა,
ივენანინაო,
შენმა უფროსმა ძმამ ხმლის ქვეშ
ამოიგმინაო!

უფროსი და... რაღა გითხრა...
ივენანინაო,
შენც გული გადმოგიბრუნდა,
არ დაგეძინაო!

ალარ არის, შვილო, ჩვენი
საწყალი კერაო,
გულქვა მტრმა მოგვარგუნა
ეს ბედის წერაო!

სად გავათბო, რა გიშველო?
შენ გენაცვალეო,
ჯერ ტკბილი არ გიგემია,
მწარე დალიეო!

ივენანა, ვარლო ნანა,
ივენანინაო,
უყურე ჩემსა ცრემლებსა,
თოვლზე დაიბნაო!

ივენანა, ანგელოზო
და თმა ხუტუქაო,
ახლა კიდე ფულებს გვთხოვენ,
ავგიესეთ მუქაო!

ხარჯი უნდა გადავიხადოთ
მთის და ბარისაო,
თუმცა გავებადეს მეზობელი
ტყის ნადირისაო!

მაშ გავყიდოთ, შვილო, შენი
მჩერები, აკვანო,
გავისტუმროთ ხარჯი-ბორჯი
მღვდელ-დაიკვანო.

თუ არა და ჩვენი სახლი
მათთვის მხად არიო,
დაიხსოვე, ჩემო შვილო,
ეს გლოვის ზარიო!

ივენანა, ვარლო ნანა,
ივენანინაო,
როცა, შვილო, გაიზარდო
მოძებნე ბინაო!

მის ნაფერფლზე შედიღურად
ტურფა დარბაზიო
იქ იღებმა ამაყურად
კოხტა ლამაზიო!

მას ვერაფერ ხელს ვერ ახლებს
მდიდარს ეკუთვნისო,
მხოლოდ ჩვენი ქოხი იყო
ღირსი წიხლის კერისო!

მანამდე კი ივენანა,
ვარლო ნანინაო,
როგორც მხეცებს, ჩემო კარგო,
ტყეში გვაქვს ბინაო!

ივენანა, ვარლო ნანა,
დაგეძახის ქარიო,
მრწამს, რომ, შვილო, დაიქროლებს
ხეილ სხვა ნიაგიო.

ის იქნება განთიადის
წინა მორბედიო,
ჩვენ ტანჯულთაც გავვიღიმებს
ერთხელ სხვა ბედიო!

ივენანა, ვარლო ნანა,
ივენანინაო,
დაიხსოვე, შვილო, მტერმა
ავგიკლო ბინაო!

ა. კვდამაშაძე.

სიმღერა

კიდეცა ვნახავ გაზაფხულს
ყელ-მოღერებულს ისა,
სიკვდილის სიკაცს ღელ მქცეველს,
იმის სიტურფეს ღვთიანსა.
ამწვანებულსა მთა-ბარსა
დამწყაზრულს, ყვავილიანსა.

კიდეცა ვნახავ ცა სქექლეს,
თოვლის წილ წვიმა ცვიოდეს,
ანოყიერებდეს მიწასა,
მდინარეები ზვიოდეს.
ალარ ვინ იტანჯებოდეს
და აღარც ვისა ჰქვიოდეს.
სიშართლის გამარჯვებასა
მთაზე არწივი კიოდეს.
მეც მას ბანს ვეუბნებოდე,
გული აღარა მტკიოდეს.

გუშინ წინ ვნახე, გუშინაც
გველი სწამოვადე ისა,
აშლიდა შხამსა და გესლსა
ვერ კი აძლევდა ზიანსა.
დღეს ვხედავ ია მთელია
სუნწელოვანი, ნაზია,—
უსქერ და ვამბობ იმასვე:
რა ტურფა, რა ლამაზია;
გველი დალოდავს მუცლითა,—
არჩობს ბოლმა და ბრაზია!

კიდეცა ვნახავ უხვადა
ვარდნი, იანი ჰყვავოდენ
ნაცარ-მტერად იყვნენ ქცეულნი,
ვინაც გუშინა ზვაობდენ,
შხამის და გესლის მთესველნი
მოიპყნენ, აზარაობდენ,
ჩვენის სიკვდილის მსურველნი
ყორნები ველარ ჩხაოდენ!

დაჰბეროს სიკაცხლის სიომ
მომავლადეს არე-მარესა,
გაუთასდეს სინათლე
ცაზე მზესა და მთვარესა,
უხვადა სძლენიდენ წყალობას
ამ ჩვენს დაჩაგრულს მხარესა,
ჩვენც მსხვერპლნი ძალ-მომარეობის
ცრემლის აღარ ვღვრიდეთ მწარესა,
ჩიტების ტკბილი გალობა
ისმოდეს ყოველ მხარესა.

ვიხილავ სანატრელს სახეს,
რომ ამდგარიყოს მედრეთითა
გვერდს ედგნენ მისნი ზვარაკნი,
გაფიცულები გვერდითა,
ჰაბუკნი, თავ-დადებულნი
ტრფილის მერტის-მეტითა.—

დ ე დ ა

(თარგმანი რუსულიდან)

იმისი ერთადერთი შვილი, დილით წასული, ჯერ კიდევ არ დაბრუნებულა. აგერ სამი დღეა, რაც ამგვარად სახლიდან მიდის, მაგრამ ყოველ საღამოს ისევ ბრუნდება. ეხლა კი 12 საათი შესრულდა, მაგრამ არსადა სჩანს.

დედა ზის მარტო ძველებურ ღრმა საფარველში და გულის ძვირით თვალ-ყურს ადევნებს, რომ გაიგონოს კარზე რაეუნი ან ზარის წკრიალი.

ქუჩებში სიწყნარეა. სროლა შეჩერდა, მაგრამ ყურში ისევ გაისმის ზაზაზნების გრიალი და ტყევის ზუზუნი. დედა ყველაფერს შეეჩვია. ადვილად იტანს სროლის ხმას მას შემდეგ, რაც შვილმა დაიწყო ყოველ დღით სახლიდან გასვლა და მხოლოდ საღამოთი დაბრუნება. ყოველთვის ჯანმრთელი ბრუნდებოდა სახლში, თუმცა ცოტას დაღლილობას გრძნობდა.

დღეს დედა ვერ ისვენებდა. არ ახსოვს, რომ შვილს ასე დაეგვიანებინოს. დედას ჩვეულებად ჰქონდა მოცვენების წინ დაეცოდა შვილი და მბრუნველი თვალი გაეყოლებინა ოთახში. ეხლა დედა იჯდა თბილ, ლაზთიანდ მორთულ ოთახში და მოუთინვლად ელოდა დაბრუნებას საყვარელ შვილისას, რომელიც, ჩვეულებებისმებრ, უამბობდა მთელი დღის თავგადასავალს. დედა მთლად გაიტაცა შვილზე ფიქრმა.

საყვარელ ქმრის სიკვდილის შემდეგ მარტოდ-მარტო დარჩა პატარა ბავშვით ხელში. იმას შესწირა მთელი თავისი სიცოცხლე. მთელი თავისი სული და გული. შვილისთვის დედაც იყო და საუკეთესო მეგობარიც. მან მისცა შვილს სრული თავისუფლება განვითარების საქმეში. არ აწუხებდა, არ ავიწროებდა, წინ არ ეღობებოდა იმის მისწრაფებას. იგი არ შეშინდა, როდესაც ერთადერთი შვილი ნამდვილ მებრძოლთა რაზმში დაინახა და აზრადაც არ მოსვლია, დაეშალა ამ წმინდა მოვალეობის შესრულება. დიდად კმაყოფილი და გახარებული იყო იმის წარმოდგენით, რომ პატიოსანი მებრძოლი გაზარდა ხალხისთვის. შვილში სცნობდა თავის უღრვოდ დაკარგულ ქმარს, რომელმაც მთელი სიცოცხლე ციხეებში დალია. როდესაც გაისმა ხმა მოწოდებისა, როდესაც მოითხოვეს, სიცოცხლე შეეწირათ დიად საქმისთვის, მან დალოცა შვილი და ერთ წამსაც არ გააჩერა. თუმცა ყოველ დამორბეაზე გული რაღაცას სწუხდა, გონება საშინელ სურათებს უხატავდა, და აშინებდა, რომ ეს ნახვა უკანასკნელი იყო, მაგრამ იგი მიანიც არასოდეს არ ნანობდა, რომ ასე აღზარდა შვილი, სცდილობდა გამაგრებულიყო და თავს იმიით ინუგეშებდა, რომ ისევ ბაღე დაბრუნდება. ისიც მართლაც ბრუნდებოდა და ალტაცებით უამბობდა მთელი



შარლოტა კორდე.—ეშაფოტზე მიჰყავთ.

დღის ამბებს. ყველაფერს იფიქრებდა დედა, როდესაც შვილი აღფრთოვანებული, ახალგაზღვრის ცეცხლით და ალგზნებულის თვალებით უამბობდა ამხანაგების თავდადებულ სიამაყეზე. დედა ყოველთვის თავიდან იცილებდა იმ აზრს, რომ შეიძლება საშუალოდ დაეკარგა შვილი.

წინად ადვილად აწყობდა საქმეს ამ აზრთან, მაგრამ დღეს ეს აზრი არა შორდებოდა, სტანჯავდა, დედის გრძნობა თან და თან იღვიძებდა და ავიწყებდა ყველაფერს. შვილზე ფიქრებით გატაცებულმა ვერ შეიტყო, რომ დრო წასულიყო. როდესაც საათმა დაჰკრა, უცებ წამოდგა საფარქლიდან. იმ აზრმა, რომ შვილი ჯერ კიდევ არ დაბრუნებულა, დაუპირისპირა საშინელი სინამდვილე. ძვირფას არსების საშიშველ მდგომარეობამ მთლად დაიპყრო დედის გული. სხვას აღარაფერს გრძნობდა.

არ მოვიდა, აშკარაა, არ შეეძლო მოსვლა. ამ მოსაზრების შემდეგ, მისი გონება ვერა ბედვდა საშინელ სურათის წარმოდგენას. უნდოდა ჩადენა რამ, გადაეწყვიტა, ლოდინის ძალა აღარ შესწევდა. უნდა წავიდეს, უნდა ეძიოს. უტეზ მოიფიქრა, საჩქაროდ ჩაიკცა, გავიდა გარედ. კარი გარედან ჩაკეტა და ქუჩაში გაჩნდა.



საუბრანგეთის დედოფალი მარია-ანტონეტა ეშაფოტზე მიჰყავს.

ისევ უნებლოდა. დილის სუსხი ჭეღალსა და რბილში გადიოდა. დედა სიცივით კანკალებდა. მან გასწია მარჯვნივ, დაახლოვებით იცოდა, სადღე უნდა ყოფილიყო იმისი შვილი. საჩაროდ გაიარა ერთი ქუჩა და მარცხნივ შეუხვია. მის წინ, მახლობლად, ნახევრად ზნელაში ამართულიყო ბარაკადა. ხალხი არსადა სჩანდა. ორი-სამი საყენის მანძილზე დედა უეცრად შეაჩერა ვილაციის ხმამ: „ეინ არისო“. იმის წინ გაჩნდა უცნობი რევოლვერით ხელში. დედამ უთხრა პაროლი, რომელიც შვილისაგან ჰქონდა ნასწავლი და გასცილდა ბარაკადას. მეორე ადგილას აქა-იქ კაცები ჩასაფრებულიყვნენ. ზოგი ეტლის ბორბლების შუა ამოფარებულყო, ზოგი ფიცრებზე იჯდა, ზოგი-ღჯრებზე და ზოგიც თავის ტომარებზე. ზოგს არ ეძინა და წყნარად მუსაიუბდნენ.

დედა თამამად მიუახლოვდა და ჰკითხა, სად იყო მისი შვილი. აქ არ იცნობდნენ იმის შვილს. უთხრეს, მეორე ბარაკადაზე წასულიყო. შეუდგა გზას, თან სიბნელეში ყველაფერს უკვირდებოდა.

ინათლა. შორიდან სროლა ისმოდა. ჯერ სიარულს მოუჩქარა, მალე სროლა გახშირდა. ხმა ძრიელ გარკვევით ისმოდა. ისროდნენ ძლიერ ახლოს. უეცრად მოესმა სიმღერა. ხორო გალობდა: „თქვენ მსხვერპლები ხართ საშინელ ბრძოლის“.

სიმღერას ბანს აძლევდა ცხელ ქუჩის მგზავსი ტყვიის ზუზუნში. ამის-დამიუხედავად სიმღერა განუწყვეტლივ ისმოდა. რაც უფრო ძლიერდებოდა ბრძოლა, მით უფრო მკაფიოდ ისმოდა სიმღერა. რაღაც დიდებული და თან საშინელი იყო სროლასთან შეერთებული სიმღერები.

დედა გაიქცა, რომ მიესწრო მე 14 ბარაკისათვის. გზაში შეხვდა რამდენიმე კაცს. ესენი თოვებით და რევოლვერებით სადღაც მიეშურებოდნენ. სროლა ეხლა ყოველ მხრიდან ისმოდა. ისროდნენ უკანიდან, გვერდებიდან და წინიდან.

სადღაც დაიგრიალეს ზარბაზნებმა. აგერ ცეცხლის ზოლივით თავზე გაუბრინა რაღაცა მანქანამ და დაეარდა მიწაზე ცეცხლის წვიმის მზავსად. აგერ კიდევ გაისროლეს, კიდევ, ძალიან ახლოს. გასქდა რაღაცა და შეაყარა მომავალ ხალხს; ორი თუ სამი კაცი მიწაზე დაეშო, როგორც ძირში მოჭრილი ხე. ბევრი გაიქცა. ცივს ჰაერში დაჭრილების კენესა გაისმა. ახლო-მახლო სახლებიდან გამოვიდნენ სანიტარები წითელის ჯვრით მკლავებზე და დაიწყეს დაჭრილთა აყვანა. დედას დავეიწყდა თავისი საშინელი მდგომარეობა, აღარ ესმოდა კენესა-გზინვა, გარშემო ველარას ხე-დავდა. მთელის არსებითი შვილზე ფიქრს მისცემოდა. სწრაფად გაიბრინა უკანასკნელი ალაგი და სირბილით მივიდა მე 14 ბარაკისათვის, აქ აღარავის აღარ ეძინა. ყველა თავის ადგილზე იდგა. დედამ გაიარა პირველი ადგილები და ნაცნობთა შორის გაჩნდა. ყველა იმის შვილის ამხანაგი იყო. ყველანი იცნო. ესენი მათ სახლში დაიარებოდნენ, მთელი სახელიც-კი იცოდა. ისიც დაინახეს, იცნეს, მაგრამ ყველამ მოაჩიდა თვალი, არც ერთი მასთან არ მივიდა, თითქმის ვერ ამჩნევდნენ, ისე იყვნენ ვართულნი სამკითხველად. დედა მიუახლოვდა მაღალ, შავი ბოხობიან ყმაწვილს და ნეწლის ხმით ჰკითხა:

— რადომსკი, სად არის ვალოდია? სად არის ჩემი შვილი? დღეს სახლში არ მოსულა, არც ღამე გაუთეგია. დედამ შეხედა რადომსკის. განათიადის სინათლეზე იმის ღრმა, დაღონებულ თვალებში ცრმელები დაინახა.

— დაიქრა? — ჩუმაღ ჰკითხა დედამ. შიშითმეტის კითხვა ვერ გაჰყვდა.

ყმაწვილი ისევ ისე სდუმდა.

— მაშ მოჰკლეს... მოჰკლეს? ღვთის გულისათვის, სთქვით! სთქვით!... — კიდევ უფრო ჩუმაღ წაილულულა.

— როგორც გმირი... ყველაზე წინ, გუშინ, უკანასკნელ შეტაკების დროს... — სთქვა რადომსკიმ და თავი ჩაღუნა.

ის იყო ვალოდიას მეგობარი ბავშვობიდანვე. მეგობრულ კავშირი სკოლიდან იყო მათ შორის.

— სად არის? მაჩვენეთ, სად არის?

— აქ არის... დაჭრილებთან არ მიგვიტანია. ფიქრობდით პირდაპირ თქვენთან მოგვესვენებინა, მაგრამ არ შეიძლებოდა. აი, ისიც...

რადომსკი შევიდა ბარიალის სიღრმეში, გადახალა ნაბადი რადაცას თავზე, რკინის ღობის ქვეშ. დედა ჩუმად, უხმოდ და უცრემლოდ დაეშვა ძვირფასს გვამის წინაშე. აუწია თავი, დაუსვა ხელი შეგ-ხუტუქა თმებს და დაუწყა და-ხუტულ თვალებს კოცნა. ყველა მოშორდა, რომ მარტო დაეტოვებინათ შვილის ცხედართან. დედის თვალებში ცრემ-ლი არ იყო. მეტად დიდი იყო ის უბედურება, რომელიც ეწვია, იმდენად დიდი, რომ თვითონაც ვერ შეეგნა მთელი სიღრმე და სიძიმე ამ საშინელ მწუხარებასა. თითქოს ცოცხალი ყოფილიყო მისი შვილი, სიყვარულით ებასებოდა, გამოყრილ ტუჩებით რადაცას ეწურებოდა. დედისთვის ის კიდევ ცოცხალი იყო.

დიდხანს იჯდა შვილთან. უტყრად იმის ახლოს თოფი გაჟარდა, ერთხელ, ორჯელ. პასუხად მოისმო თოფების გრი-ალი ბარიალებიდან. გამოცვივდა ნამტვრევები რკინისა, ხისა, მაგრამ დედას არასფერი არ დაუნახავს და არც გაუგონია. ირგვლივ ხალხი დადიოდა და ხმაურობდა, ისმოდა რაზმის უმფროსის ბრძანება, ტყვიას ზუზუნი გაჰქონდა, ის კი არა შორდებოდა შვილის გვამს და თავზე ხელს უსვამდა.

ამ დროს მიუახლოვდა შვილის ამხანაგები.

— ესლა საშიშია აქ გაჩერება. ხომ გესმით სროლა? მალე ახლო მოხდება შეტაკება. წადით აქედან, ჩქარა წადით სახლში.

— სახლში? — დედა ფეხზე წამოდგა. — სახლში? რა უნდა გაეკეთო იქ უამისოდ? მერე სად არის ჩემი სახლი? იქ სადაც ჩემი ვალოდია... ის კი აქ არის და მეც ვერ წავალ აქედან... თქვენ არა გაქვთ უფლება, აქედან დამითხოვოთ. თუ შევი-ძელი თქვენთვის ასეთი შვილის მოცემა, ისიც შემძლია, რომ იმის მაგიერობა გაგიწიოთ, ესლა მეც თქვენთანა ვარ, ვასრულებ იმის მოვალეობას, ჩემთვის ნუ შიშობთ. მე არ შემეშინდება, არ მეშინია სიკვდილისა, კმარა! იქ, — ქალმა უჩვენა ბარიალას სიღრმეზე, — დედა ვიყავ, აქ კი თქვენი ამხა-ნაგი ვარ...

ხელი გაიწოდა, ვილაცამ რევოლვერი გადასცა.

როდესაც სალდათები დაეცნენ ბარიალას, რომელიც დიდხანს არ ნებდებოდა, განცვიფრებულნი მიაშტერდნენ წი-

თელ დროშის ქვეშ ხანში შესულ ქალს, რომელსაც ქალარა თმა მხრებზე გადაშლიდა და რევოლვერით ხელში მალაღისა და დამშვიდებულის წმით ბრძანებას აძლევდა ირგვლივ მდგომ მებრძოლ ხალხს.

გაგინი

ნისლმა რისხვით ფრთა გაშალა, ცას ხმელეთი შეუერთა, არე-მარე აშოძრავდა, გაფითრდა და, თითქო, შეკრთა.

დილის სიოვ, მეც მომნახე, დამამკურე მკერდზე ნამი, ჩემთვისაც ხომ უნდა დადგეს სანატრელი დრო და ჟამი!..


საოცნებო ხაზს გავლებულს ხელ-ჩაქიდვით მივდეგ მარად; სალი ჰკუა დიდებულს გზას თვალით იცდის შემუცდარად.

იქ ნისლ-ბურვით რომ გამოსჩანს, მნათობია მოციმციმე, მთას მიჰკვრია მგლოვია რე და სულს უკლავს დარდი მძიმე.

იმის ნაცვლად სხივს ჩავეყვრი, ჩემს გამომზრდელს ტურფა ლალას, მგრძნობიარე მისი ცრემლი, შთამომებერავს სულ სხვა ძალას.

დილის სიოვ, მაშინ მაინც დამამკურე მკერდზე ნამი, ჩემთვისაც ხომ უნდა დადგეს დიდებული დრო და ჟამი!...

სოფ. გ.—მე



რედაქტორ-გამომცემელი ალ. ნ. დიასამიძე.